

1502

*Ignominia
nota in
quodam
triremium
præfectos.*

Pisaurus consequi cuperet; Paulus Nanus, Georgius Trivisanus, Marcus Antonius Decanalis, Nicolaus Barbadicus e colonia Cretenſi, Petrus Capitellus Apulus, ejus miſſu ad Maleam proſecti; quod Galli eſſe illis in locis dicebantur, in biremes Thracias ſeptem inciderunt, quæ navem onerariam hominum Cretenſium a ſe captam remulco trahabant. Ea re animadverſa, biremes aggredi communi conſilio ſtatu-erunt. itaque incitatis remigibus ad illas contenderunt. Sed cum eis appropinquaffent, timore impediti remiges inhibuerunt, ſe ſequē turpiter a congreſſu dimicationeque continuerunt. Accidit autem paulo poſt ut naves triremes aliquot e claſſe Gallica, quæ non longe aberat, idem conſpicatæ, biremes Thracias magno animo aggredere-ntur. quæ quidem res auxit illorum dedecus, quod eos reipublicæ hoſtes, quos propter formidinem ipſi dimiſerant, Galli, quorum minus intererat, virtute eſſent atque animi præſentia conſequuti. ob eam imbecillitatem atque formidinem Piſaurus annos quinque a præfecturis omnibus illos removit, ſtipendia-que ab iis emerita fiſco addixit. Iiſdem diebus Gabrielem Maurum, Andream Foſculum, Senatus legatos creavit, qui Ferrariam proficiſcerentur Lucretiæ Borgiæ Alexandri filiæ, quam pater Alfonſo Ateſtino Herculis filio in matrimonium ſpoponderat, Roma ad illum venienti, & ipſi foceroque eis de nuptiis reipublicæ nomine gratulatum. E Pannonia vero crebriores allatæ literæ, Turcas pluribus locis fuſos a regiis ducibus occidione, & præda ingenti facta, Senatui attulerunt. Neque tamen ob eas res claſſis curam ulla ex parte Bajafetes intermittebat: quam quidem curam cum magnopere agitare, reficique naves veteres ſuis ducibus mandaviſſet, atque id ei tardius negligentiusque agi ab illis atque adminiſtrari videretur, arcum ſibi afferri & ſagittas imperavit: quibus adductis, ſtantem ante ſe illum ipſum ducem, qui priore apud ſe erat loco, indignabundus tranſfixit. Reſtituerat idem rex paulo ante ad libertatem cives Venetos, quos belli initio Byzantii in vincula conſectos in turri ad fretum ſervandos miſerat. ii ſe libris auri centum redemerunt: quorum e numero Andreas Grit-

tus